

# TAKLIMAT LAWATAN KE PENEMPATAN LATIHAN INDUSTRI PELAJAR TAHUN AKHIR

**NOR HIZAMI HASSIN**



Pada 3 Mac 2020,satu taklimat Lawatan Latihan Industri kepada pensyarah oleh Jawatankuasa Latihan Industri Fakulti Sains Bum (FSB) telah diadakan di Makmal Komputer Geosains.Ia dihadiri seramai 16 orang pensyarah yang mewakili 3 program pengajian di FSB. Pada kali ini, seramai 135 orang pelajar FSB sedang menjalani latihan industri di organsisasi awam dan juga swasta meliputi dalam dan juga luar negara seperti di Singapura, Indonesia dan Thailand. Taklimat ini diadakan untuk memberi penerangan kepada pensyarah pelawat mengenai perkara yang perlu dilakukan semasa menjalankan lawatan latihan industri.

Pensyarah pelawat dibahagikan mengikut negeri dan organisasi untuk menjalankan lawatan dalam kawasan di seluruh Malaysia. Lawatan latihan industri ini merupakan salah satu kaedah penilaian markah yang akan diambil kira dalam pemarkahan gred pelajar di samping para pensyarah dapat mengetahui secara langsung keada masalah sekiranya timbul semasa pelajar sedang menjalani latihan industri. Selain itu, melalui lawatan latihan industri dapat mewujudkan hubungan yang baik antara

universiti dan industri di samping dapat membuka ruang dan peluang dalam menjalankan hubungan kerjasama seperti perundingan atau penyelidikan.

Lawatan ini juga penting bagi membolehkan pihak fakulti mengenalpasti industri yang bersesuaian untuk penempatan latihan industri bagi jangka masa satu tahun, khususnya bagi Program 3+1 ( 3 tahun di kampus dan 1 tahun di industri)

